



## Comunicado di Prensa

30 di october 2020

### Cft a haci un bishita digital na Boneiro, Sint Eustatius y Saba

**Colegio di supervision financiero di Boneiro, Sint Eustatius y Saba (Cft) e siman aki a hiba combersacion digital cu e Colegionan Ehecutivo di Boneiro y Saba y cu e Comisario di Gobierno di Sint Eustatius y su reemplasante. Como consecuencia di e restriccionnan di biahe e bishitanan regular na e islanan no por a tuma luga, mescos cu na juni. A papia, entre otro, tocante e consecucionan economico, financiero y social di e pandemia di coronavirus. Hulanda a pone compensacion na disposicion pa e disminucion di entrada di e tres entidadnan publico.**

#### **Boneiro**

Pa e ciclo di presupuesto y hustificacion di Boneiro mester di mas atencion. No tin mehoracion den e maneho financiero. Cft a urgi Colegio Ehecutivo pa realiza esaki toch ainda y a corto plaso, y pa haci uzo optimal di e medionan financiero amplio y di e capacidadnan gubernamental administrativo. Ademas, mester yena e vacaturanan di e funcionnan clave den aparato gubernamental adecuadamente mas pronto posibel.

Cft a bolbe urgi pa mehoracion den e empresanan publico. E mehoracionnan aki ta concerni e guia, e maneho financiero, e elaboracion na tempo di e cuentanan anual y e yenamento di e vacaturanan den e huntanan di comisario.

E proyecto di presupuesto di Boneiro entrega pa aña 2021 ta balansa, tambe debi na kitamento di 1,9 miyon dollar di e reserva general destina pa tal fin. Cft a duna su conseho tocante e proyecto di presupuesto aki dia 12 di october.

#### **Sint Eustatius**

Cuminsando cu aña presupuestario 2021 Cft lo bolbe desempeña un papel di consehero den e proyecto di presupuesto di Sint Eustatius. Den e combersacion di dia 27 di october e Comisario di Gobierno y su reemplasante a informa Cft tocante e progreso realiza entretanto riba tereno di finansa y tocante nan puntanan di atencion principal pa continuacion.

#### **Saba**

Cu Saba a papia tocante e problemanan cu Colegio Ehecutivo ta experencia pa balansa e presupuesto. Particularmente Colegio Ehecutivo a señala e gastonan di explotacion y di mantenimiento di e instalacionnan publico fisico realiza den e ultimo añanan pa cuenta di Hulanda. A entrega e proyecto di presupuesto di Saba pa aña 2021 cerca Cft pa duna su conseho.

[Fin di e Comunicado di Prensa]

#### **Nota pa redaccion – no pa publicacion**

Persona di contacto na Cft:  
Secretariado di e Colegionan di supervision financiero  
Ray Thuis - Secretario  
Telefon +5999 461-9081 / +5999 461-9082 / +5999 461-9084  
Email info@cft.cw  
Website [www.cft.cw](http://www.cft.cw)

Persona di contacto cu Prensa:  
Jefka Martina  
Telefon +5999 512-6861